

## Cussagl da cumün

Protocol nr. 6 da ls sezzüda dals 20 avrigl 2010

S-chüsà: Armon à Porta e Giovanin Josty

### **Rendaquint 2009**

La cumischiun sindicatoria e'l Cussagl repassan il rendaquint pel 2009 chi's preschainta seguaintamaing:

l's po sgüra dir cha'l preventiv d'eira calculà plütost precaut. Las expensas sun cun fr. 5'194'107.45 bainschi plü otas co'l preventiv (fr. 4'900'121.--). Ma las entradas sun cun fr. 5'238'714.35 eir sur quellas dal büdschet (fr. 4'875'924.--). Il guadogn importa fr. 606.90.

Id ha pudü gnir amortisà in tuot ün import da fr. 644'900.-- (amortisaziuns ordinarias fr. 600'900.-- ed amortisaziuns extraordinarias da fr. 44'000.--). Implü fat üna valütaziun dals titels (aczias) ed amortisà ün import da fr. 153'435.--.

Las investiziuns nettas importan fr. 660'014.30. Id es gnü investi ün import da fr. 987'451.30. Las entradas da subvenziuns e taxas d'attach importan fr. 327'437.--. Ils cuosts da fr. 13'848.60 pel lai da Padnal sun gnüts impuondüts pel stüdi (conto 350.501.02).

La radunanza cumünala dals 25 avuost 2009 ha refüsà il proget da la restructuraziun in Plaz. Quai es il motiv chi'd es gnü dovrà be ün import da fr. 13'510.85 e na fr. 100'000.-- sco previs (conto 620.501.15).

L'acquist dal tractor ha cuostü fr. 187'223.15 (conto 622.506.01). Sper la macchina sun gnüts cumprats amo divers apparats supplementars.

Il center d'immundizchas illa Lavina e'ls moloks in Plaz han pudü gnir fabbrichà e persvadan plainamaing. Ils cuosts sun suot il preventiv ed importan fr. 369'453.95 (conto 720.503.01).

Pro'l provedimaint electric esa gnü investi fr. 34'000.-- per la cabina da trafo in Baraigla (conto 860.503.07) e fr. 24'567.70 per la digitalisaziun dals plans da la rait electrica (conto 860.581).

Las aczias da las Pendicularas sun gnüdas valütadas. La valur da marchà importa per la fin da l'on fr. 75'565.-- (conto 1210.04).

Ils debits a cuorta, a mezza ed a lunga vista importan a la fin da l'on fr. 6'098'276.85. Tals han pudü gnir redots per fr. 67'682.05.

Ils impegn per finanziaziuns specialas (reservas) han pudü gnir augmentats per fr. 252'537.13 ed importan als 31 december 2009 fr. 3'591'511.59.

Il guadogn net da fr. 606.90 es gnü miss pro al chapital agen chi importa als 31 december 2009 fr. 706'471.23.

Il Cussagl as sfadia e fa tuot il pussibel per nun augmentar o perfin per redüer ils debits.

Il Cussagl da cumün propuona a la radunanza cumünala d'acceptar il quint da gestiun e'l quint d'investiziun dal 2009 sco eir il bilantsch pels 31 december 2009 sco preschantà e da dar dis-charg a las instanzas politicas.

### **Perron Jörg e Doris, isolaziun dal tet ed implant fotovoltaic**

Il Cussagl conceda il permiss per isolar il tet e per construir ün implant fotovoltaic sün l'ala dal tet vers süd da la chasa nr. 113 B in Chalchera (parcella nr. 3).

### **Erni Roman, suost per autos e magazin**

Il petent dumonda il permiss per fabbrichar ün suost per autos e magazin sülla piazza davant sia chasa nr. 139 A in Sainas (parcella nr. 1906). Pel suost per autos chi's rechatta al vest da la parcella faja dabsögn cha la radunanza detta il dret da fabbrichar plü daspera al cunfin da la parcella cumünala (parcella nr. 46). Il Cussagl dà il per-

miss da fabrica culla premissa cha la radunanza conceda il permiss per fabricar plü daspera al cunfin.

### **Spreiter Hans ed Astrid, müdamaints dal proget**

Il conjugals Hans ed Astrid Spreiter survegnan il permiss posteriur pels müdamaints vi dal proget da lur chasa in Val Forada (parcella nr. 2696).

### **Senda d'aventüra „Flurina“**

Illa sezzüda dals 7 lügl 2009 ha il Cussagl concedü il permiss per metter ad ir duos lös da far la posa sül territori da Ftan (Funtana Merla e Foppa Mina). Il cumün e la Ftan Turissem finanzieschan la piazza in Funtana Merla. Ils cuosts importan maximal fr. 5'000.-- per ün. La lavur vain fatta dals lavuraints da cumün. Il Cussagl es perinplet da surtour quist import chi nun es büdschetà (conto 330.314.01). Il respunsabel pel turissem dess provar a persvader a la patruna da fabrica da desister sülla piazza in Foppa Mina. Quella es previssa da finanziair cun sponsuors.

Il capo: sig. Reto Pedotti

L'actuar: sig. Andri Florineth

publichà als 27/04/2010